



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Decreta Metropolitanani super absentia Episcoporum.

urn:nbn:de:hbz:466:1-10502

Synodo non comparuerunt, coram ipsis deductis, ita Illustriss. D. Metropolitano retulerunt. Qui postea audita relatione & instantia iam facta super causis Reuerendiss. Episcoporum absentium, decreuit vt infra post relationem.

Relatio Reuerendissimorum Dominorum Iudicum causarum absentiarum.

Nos Iudices excusationum Reuerendissimorum Dominorum Episcoporum huius Prouinciarum absentium per Illustrissimam D. T. deputati, examinauimus & considerauimus causas absentiarum Reuerendissimorum DD. Episcoporum, qui in hac sexta Synodo Prouinciali interesse tenentur, & de singulis ad hunc modum Illustrissimæ Amplit. tuæ referimus, vt quod iustum fuerit, statuere & decernere possit Illustrissima Dominatio tua.

Reuerendissimus D. Episcopus Vercellensis, nuncium Apostolicum agit, & legatione fungitur pro Sanctiss. D. N. PP. apud Cæsaream Maiestatem in Germania; & hanc suæ absentiarum causam allegat vt notoriam, & probat per suos procuratores, quos ad hanc synodum cum legitimo mandato misit.

Similiter Reuerendiss. D. Episcopus Nonariensis visitatoris Apostolici munere fungitur in Ciuitate & Diocesi Genouensis; & hanc causam absentiarum vt notoriam allegat, & procuratores suos cum legitimo mandato misit ad hanc Synodum.

Reuerendiss. D. Episcopus Laudensis, nuncij Apostolici munere fungitur in Hispania apud Regiam Catholicam Maiestatem, vt est notorium, & pro notorio legitime per singularem nuncium ad hanc synodum destinatum deducitur: sed nullum misit procuratorem cum legitimo mandato, ad acceptandum ea quæ statuentur & decernentur in hac sexta Synodo prouinciali.

Reuerendiss. D. Episcopus Saouensis, apud Auenionem res agit Sanctiss. D. N. Papæ & Sanctæ Sedis Apostolicæ, & id Illustriss. D. T. notum est, atque hanc absentiarum eius causam notoriam esse constat; sed nullum legitimum procu-

ratores in hac sexta Synodo comparere studuit.

Reuerendiss. D. Episcopus Placentinus nondum rediit a legatione, quæ fungebatur pro Sancta Sede Apostolica apud Regiam Catholicam Maiestatem in Hispania, vt est notorium, & Illustriss. D. V. satis constat de hac eius absentiarum causa: sed nullum misit procuratorem cum legitimo mandato, ad acceptandum ea quæ statuentur & decernentur in hac sexta Synodo Prouinciali.

Reuerendiss. D. Episcopus Auenensis abest propter causas Illustriss. D. T. notas, & procuratorem misit cum legitimo mandato, qui eius nomine in Synodo compareat, & decreta acceptet, eisquæ subscribat.

Reuerendiss. D. Episcopus Casalensis abest propter illas causas, quas Illustriss. D. V. per epistolam & singulares nuncios suos significauit; quibus etiam mandatum dedit, vt pro eo absente in Synodo compareant, & ea quæ statuentur, acceptent.

Reuerendiss. D. Episcopus Albiganen. abest; absentiarum causas ignoramus: nec vllum destinauit procuratorem legitimum, qui pro eo compareat, & alia quæ ei incumbunt, præstet.

Sedes Episcopalis Vigleuani vacat.

Decreta Illustrissimi Metropolitanis super absentia Reuerendiss. Episcoporum.

Nos Carolus & c. Auditis & intellectis petitionibus RR. DD. Promotorum, & relationibus Reuerendissimorum D. Episcoporum, Dertonen. & Brixien. ac M. R. D. Vicarij nostri Generalis, delegatorum Iudicum excusationum Reuerendissimorum Episcoporum absentium, decernimus & pronunciamus ad hunc modum de eisdem absentibus Reuerendissimis DD. Episcopis huius prouinciarum nostræ Mediolanensis, qui ad hanc sextam Synodum Prouincialem vocati sunt, & interesse tenentur, & de causis absentiarum eorundem, ac mandatis in hac sexta prouinciali exhibitis.

Reuc-

Reuerendiss. D. Episcopi Casalensis legitime ad hanc sanctam Synodum vocati & absentis excusationes & causas absentiae per eius Procuratores allegatas reijcimus; eiq; assignamus peremptorium terminum ad comparendum secundum da feria coram nobis in congregatione publica Synodali hora 21. illius diei, quae erit Maij 21. futura; alioquin contra eum ad instanti RR. D. D. Promotorum Synodali, prout iustum fuerit, procedemus, illo amplius non expectato, nec citato nisi per edicta ad valuas nostri Palatii Archiepiscopalis.

Reuerendiss. D. Episcopi Vercellenfis absentis, & per Procuratorem in Synodo hac Prouinciali coram nobis legitime comparētis, causas absentiae propter legationem apud Casarem Maiestatem Nuncij Apostolici, vti notorie constat, absentiam probamus & excusamus, eiusque R. D. Procuratorem ad recipiendum acta & decreta quae in hac Sancta Synodo statuentur, eisque subscribendum, admittendum esse declaramus & admittimus.

Reuerendiss. D. Episcopi Laudenfis Nuncij Apostolici apud S. Cath. Reg. Maiestatem in Hispania absentis, & per procuratorem in Synodo hac Prouinciali coram nobis legitime comparētis, causas absentiae probamus, & excusamus, terminumque sex mensium ad acceptandum, & subscribendum, per se vel procuratorem, admittendum esse declaramus & admittimus.

Reuerendiss. D. Episcopi Saonenfis absentis apud Auenionem pro negotijs Sanctissimi D. N. Papae, & Sanctae Sedis Apostolicae agentis, causas absentiae probamus & excusamus, terminumque quatuor mensium ad acceptandum decreta, & eis subscribendum, per se vel per procuratorem legitimum, praefigimus & assignamus.

Reuerendissimi D. Episcopi Placentini legitime ad hanc sanctam Synodum vocati & absentis excusationes, & causas absentiae probamus, & ei terminum quatuor mensium ad acceptandum decreta Concilij huius, & subscribendum, per se vel per procuratores statuimus.

Reuerendiss. D. Episcopo Albigaunensi absentis, & nec per se, nec per procuratorem legitimum comparenti, peremptorium terminum quinque mensium assignamus, ad causas iustas probandum, & ad allegandum quidquid allegare potest & intendit, & decreta huius Synodi acceptandum, & eis subscribendum.

Reuerendiss. D. Episcopi Nouariensis absentis, & visitatoris Apostolici in Ciuitate & Dioecesi Ianuensi absentiam probamus & excusamus, eiusque procuratorem ad recipiendum acta & decreta, quae in hac Sancta Synodo statuentur, eisque subscribendum, admittendum esse declaramus & admittimus.

Reuerendiss. D. Episcopus Auenensis probet legitime iustas suae absentiae causas, vel compareat personaliter in hac Synodo ante finem eiusdem Synodi; alioquin cum eo iuxta sacrorum canonum & Conciliorum, praesertim Tridentini dispositionem, Instantibus RR. D. D. Promotoribus Synodalibus agatur.

His absolutis, Reuerendi Promotores pro muneris sui ratione contra Episcopos non residentes coram Illustriss. Metropolitanis institerunt.

Instantia Reuerendorum Promotorum contra Reuerendissimos Episcopos non residentes.

Illustrissime ac Reuerendiss. Metropolitanis. Sacrosanctis Tridentinis decretis sancitum est, Omnes Metropolitanos, & Cathedralibus Ecclesijs quouis titulo praefectos, qui sine legitima causa, a Beatissimo Romano Pontifice, aut a Metropolitano, vel eo absente a suffraganeo Episcopo antiquiori residente, in scriptis approbata, ab ecclesijs eorum regimini commissis, ultra duos, vel ad summum tres menses, etiam interruptos absuerint, poenis & mulctis in ea oecumenica Synodo sancitis puniri & mulctari. Quare nos huius sanctae Synodi prouincialis promotores, pro executione decretorum, ac pro nostri officij munere, requirimus, & instamus omnes & quoscunque Episcopos huius Prouinciae, qui ab ecclesijs sibi commissis absuerint singulis annis ultra